

李文忠公奏稿

李文忠公奏稿

卷之十目錄

淮鹽減釐加課以供京餉摺

同治五年正月二十五日

稅務司請獎摺

同治五年正月二十五日

畢乃爾隸籍合肥片

同治五年正月二十五日

江蘇地方懸缺請准遴員酌補摺

同治五年二月二十日

江北新洲籌辦河運摺

同治五年二月二十二日

代奏丁口昌潮州洋務條陳摺

同治五年三月初九日

議覆鹽釐難分片

同治五年三月初九日

劉秉璋襄辦軍務片

同治五年三月初九日

茶捐請獎摺

同治五年三月初九日

南洋七關交過二成銀兩摺

同治五年三月十二日

捻股南竄扼剿摺

同治五年四月十六日

河運回空帶貨免稅摺

同治五年四月二十三日

淮軍報效欠餉請加廣中額學額摺

同治五年五月二十七日

江皖防剿片

同治五年五月二十七日

減漕未盡事宜摺

同治五年六月十三日

部駁保案覆奏片

同治五年七月十三日

淮鹽課釐半年收數摺

同治五年七月二十八日

分援浙皖閩六案策保摺

同治五年八月二十日

馬格里請加道銜片

同治五年八月二十日

籌辦梭毛摺

同治五年八月二十日

遵旨出駐徐州起程日期摺

同治五年九月初七日

保薦人才片

同治五年九月初七日

江北水災籌辦工賑摺

同治五年九月初七日

陳潛留營調遣片

同治五年九月初七日

行抵清江據報捻已西趨摺

同治五年九月十九日

行抵徐州籌辦情形摺

同治五年十月十二日

江南查抵教堂地基片

同治五年十月十六日

定購來福鎗一千桿解京片

同治五年十月十六日

謝署欽差大臣瀝陳大略摺

同治五年十月二十七日

謝授欽差大臣瀝陳下情摺

同治五年十一月十三日

接受關防後調度情形摺

同治五年十二月初一日

據報各路賊情飭催各軍入鄂會剿摺

同治五年十二月十八日

李文忠公奏稿卷十

全集 之十

桐城吳汝綸編錄

淮鹽減釐加課以供京餉摺

同治五年正月二十五日

奏為鹽釐礙難酌分擬請減釐加課以供京餉恭摺仰祈

聖鑒事竊臣鴻章於同治四年十二月二十九日准戶部咨奏請

酌分兩淮鹽釐三四成勻解部庫又片奏內開近年銷數既有三

十餘萬引若照部擬整頓淮南鹽務摺內每引照從前原額減半

徵收三兩有零核算即應有百萬內外何至不敷撥解等因當經

咨商臣國藩會同籌議伏查淮南鹽課為

國帑大宗臣等再三講求鹽釐之重雖數倍於課然納課例在請

引之前成本不無加重完釐須待銷售之後成本可資周轉故釐

雖重而於商甚便於餉有益即於公家無損若正課遽請加增則

商情必多畏阻臣國藩於同治三年十月奏報課釐摺內覆陳俟
川私稍衰楚岸稍暢再奏明增課在案至今楚岸之滯銷如故戶
部之撥款益繁鹽課之外復撥鹽釐查鹽釐一項專爲接濟軍餉
而設其礙難酌分之故大端有二以收數而言近年造報較前似
屬可觀但楚西原定釐數每引抽銀十一兩有奇及九兩有奇不
等未免過重本重則價昂價昂則銷阻勢不能不隨時酌減先因
場商利辦楚西每引減釐三錢以貼商力之不足繼因岸銷日疲
鄂湘每引減釐三兩以冀銷路之暢通是現收之數已較原定之
數逐漸核減而馮子材部與阿等營協款雖裁其江西南湖南北
三省分川淮釐及在鹽釐內撥解彭玉麟內河水師兵餉及九江
關稅京口旗綠營餉等項款目尙繁歷入奏報清單部中有案可
稽合算則見其多分攤卽覈其少此礙難酌分者一也以用數而

言金陵各營湖勇雖已陸續遣撤舊欠藥粟尙需籌補至山東山西河南並未解過山西亦久經停解山東近來所解漸次減少上年十二月分僅解銀一萬兩是協餉皆屬有名無實此時所需巨款惟賴各岸鹽釐之入爲諸軍養命之源且前敵淮軍之向食蘇餉者現因蘇省貨釐大減遠路費用日增亦須酌撥鹽釐稍資津貼若再分撥部餉三四成則餉源益窘誠恐貽誤軍事關繫非淺此礙難酌分者二也惟查戶部奏撥本年京餉案內指撥兩淮鹽課銀三十萬兩又另撥內務府銀三萬兩照淮南現收課銀以入計出實係不敷應解臣等往返函商通盤核算深知戶部籌餉之難力求分濟只有減釐加課以供部餉查淮南每引現收報部正課銀七錢二分爲數太微自須酌量加增但部文議照從前科則減半徵收每引徵正雜銀三兩零商力實有未逮現在只能酌減

鹽釐先復正課溯查咸豐元年辛亥綱係徵報部正課銀每引一兩七錢三分二釐九毫五絲五忽一微三纖九秒咸豐三年奏辦就場徵課卽援前案徵收經部議准現定於本年三月初一日起先復此數每年約銷三十餘萬引可得課銀五十餘萬兩除月協皖餉五千兩及例支鹽屬各員養廉外餘擬備撥京餉卽使本年指撥三十萬兩解足之外尙有盈餘亦必令運司專款存儲報候部撥又南鹽每引另徵運庫經費銀一錢八分係同正課奏明自改新章後需用較繁加以每解京餉一批須另備加平部飯盤川等項爲數頗鉅前收一錢八分不敷支用擬酌加二錢每引收三錢八分仍歸外銷連正課並零計每引加銀一兩二錢一分三釐此項銀兩未便加諸商販致使淮本益增閩粵川潞各私乘間充斥惟有在於楚西派解金陵鹽釐項下照數減收以實部庫而

舒商力其皖岸及江甯江甘等食岸一律減釐照加課銀均由督
銷各局按引扣解運庫分批解部另撥內務府銀三萬兩亦卽在
於此項內籌解庶於中外緊餉可期兼顧所有減釐加課以供京
餉緣由謹合詞繕摺具奏伏乞

皇太后

皇上聖鑒訓示再兩淮向收京內各衙門幣利雜款停止十數年
之久帑既不存利無所出況軍需之緊如此部餉之迫如彼若再
紛紛奏撥幣利萬難應解仍應一概停徵俟軍務告竣鹽釐全裁
再行妥酌議辦合並陳明謹
奏

稅務司請獎摺

同治五年正月二十五日

奏爲南北洋各口稅務司經徵洋稅出力援案請

旨獎賞恭摺奏祈

聖鑒事竊照通商各口徵收洋稅自咸豐四年上海一關設立稅務司幫同經理有效嗣後南北各口亦卽次第舉行並添設總稅務司名目咸豐十一年五月間赫德於署總稅務司時曾將每年應收洋稅約略開報迨同治二年議定稅務司歲支經費案內截至第八結長江開口是年所徵正稅半稅及子口稅共有銀七百二十五萬餘兩聲明此後仍可較前豐旺均經總理衙門專摺奏明又於同治三年臣因總稅務司赫德年來經理洋稅接濟餉需用資戰勝卽與宣力行開無異奏蒙

恩准賞加按察使銜欽此欽遵各在案茲准總理衙門咨據赫德

申稱現值兩國扣款將完又值告假回國將經手稅務各款比較總數詳細開呈並稱此五年中各口稅務司均悉心查辦任勞任怨竭力襄助內有稅務司日意格美理登休士惠德幫辦巴德好博遜薄郎滿三德揭謨業經各省大吏具案奏請鼓勵蒙

恩賞給寶星此外尚有現任稅務司吉羅福費士來馬福臣暨狄安瑪威理士麥士威並粵海關杆子手頭日鮑良七人應如何一體獎勵咨臣酌核辦理等因前來臣查赫德總司稅務現呈比較總數清單係將南北各口通年合計除子口半稅不計外其進出口各項洋稅近已收至七百八十萬餘兩較之從前歲收總數已逾數十萬兩足爲通商稅課豐旺之徵該總稅務司赫德悉心經理業蒙

恩賞加按察使銜其各口稅務司俱能不避嫌怨竭力襄助現值

兩國扣款將完查單結數均有勞績所有吉羅福等自應一體獎勵臣遂加查核援照成案酌辦合無仰懇

天恩准將稅務司吉羅福費士來馬福臣狄安瑪威理士麥士威等六人各給一等金功牌一面粵海關并子手頭目鮑良給予二等金功牌一面以示獎勵俟

命下之日再飭江南海關照式製備齊全分別移送祇領所需價值即在洋稅項下作正開銷至此內有外洋名字譯音參差致與檔冊未符之處應准由赫德隨後查明呈請更正除咨明總理衙門外謹會同三口通商大臣臣崇厚恭摺具奏伏乞

皇太后

皇上聖鑒訓示謹

奏

畢乃爾隸籍合肥片

同治五年正月二十五日

再准直隸提督劉銘傳轉據統帶礮營記名總兵畢乃爾稟稱該
總兵本係法國兵丁同治元年在上海投效奉派在銘營教練鎗
礮嗣委管帶銘軍洋礮營先後攻克楊庫江陰無錫金匱常州府
縣汛城浔保今職

賞戴花翎並

賞給法什尙阿巴圖魯名號仰荷

聖恩甄敘微勞不遺化外矢以此生捐糜圖報溯自昔年隨營之
始卽自陳願隸版圖區區愚誠五年一日當於去歲十二月具稟
請示隸籍一事奉批願隸何省何縣以便

奏咨立案伏念畢乃爾孤身遠寄本無可依緣主帥暨統將兩人
均係合肥縣籍乃爾在營日久所識亦多淮軍將士前此隨軍西

上曾過廬州樂其風土敦龐人情樸厚竊願隸安徽合肥縣籍并於縣境略置田廬俾有因依庶冀世世子孫長爲

聖朝赤子轉請察核附

奏等情前來臣查上海用兵以來洋將助剿立功膺受中國官職者不乏其人然事竣仍回本國惟畢乃爾倉猝遇合投袂從戎當時卽欣欣然有出谷遷喬之意矢願他日受廬爲氓察其向慕華風實出至誠不貳經臣於二年八月克復江陰出力案內隨摺奏明欽奉

上諭三品頂戴法國兵丁畢乃爾自隨營投效以來卽已冠帶雜髮願隸版圖教習鎗礮極爲得力等因當卽恭錄行知去後該將益加感激訓練精勤奮勇苦戰三年之內屢復名城轉戰數省而孤身子然時時以隸籍爲念茲自陳願隸安徽合肥縣籍實因久

在淮軍營內人與地均尙熟悉得有照應臣維歷來番將立功改隸中土往往見於史冊卽核諸現在通商條約之意中外人民攜家就地居住悉獲安全是久後卽係人籍亦屬情事之常況畢乃爾自同治二年冠帶薙髮學爲中國語言旋又娶有妻室勢不能仍回法國似應准如所請以遂其歸依

聖朝之志益堅其畢生效命之忱該總兵樸訥謹飭尙易駕馭臣仍與劉銘傳隨時嚴加訓誡曲爲保全仰副

皇上懷柔遠人愛惜戰將之至意所有總兵畢乃爾自請隸籍緣由理合附片具陳伏乞

聖鑒訓示謹

奏

江蘇地方懸缺請准遴員酌補摺

同治五年二月二十日

奏爲江蘇地方初定求治首重得人積年懸缺懇

恩准予遴員酌補以期人地相宜恭摺奏祈

聖鑒事竊照大江南北軍務初平兵燹之餘瘡痍未復卽未經被
擾之處烽燧頻驚民生日促時逾一紀元氣已傷一切安集撫綏
勸農興學均關緊要全在牧令得人地方庶有起色而才識之短
長器局之大小秉賦之強弱不能盡同且地有衝僻俗有敦薄政
有繁簡事有難易量材授任人地各有所宜明練者理繁謹厚者
治簡凋瘵之地宜寬惠者爲之撫循浮靡之地宜方正者示之表
率民情強悍之地非嚴明廉幹無以養威中外互市之地非機警
縝密不能應事俗好健訟則宜用長於折獄者以息刁風地多匪
類則宜用長於緝捕者以清伏莽顧全才難得但有一長足取求

其位置愜當已非易易儻復限以資格束以章程則遴選愈難而州縣之稱職者寡矣宋儒楊萬里作選法論謂不任人而任法終於信吏而不信官吏執定法以進退予奪天下之人才尙書侍郎莫之與抗莫若略小法而存大體則吏權漸輕其弊可以漸革等語名儒通論足爲良規舊例候補班人員不論繁簡均准酌補又外補各缺人地實在相需雖與例不符仍准聲明奏請每奉特旨准行推原例意蓋以掣弊起衰必先有治人而後可責成效循資按格所以杜倖進而未足定人材故於明示限制之中仍寓變通盡利之法自軍興日久保舉人多廷臣建言部議酌加裁抑始有候補班初任人員專補簡缺之例部臣之意因其未經閱歷恐有美錦學製之虞原爲慎重職守起見惟江蘇員缺停補多年現任各官實缺甚少積年所出繁要各缺堪以照例升調者實屬

寥寥若以繁劇繁成例仍有未合循資升補人地多不相宜惟候
補各員委署得缺才猷卓著者其臨政親民既已確有表見卽與
實缺相去無幾此外卽用揀發人員亦有可用之人而到省多在
出缺之後儼然守定章竟有無員可補之勢查安徽浙江等省皆
因軍務甫定員缺久懸擬補多不合例或請通融酌補或請以省
城克復之日作爲出缺日期均經吏部議准在案江蘇較皖浙二
省被兵更久情形相同似可一律照辦合無仰懇

天恩將同治四年十二月以前蘇省所出沿海沿江沿河各要缺
及升補事故所遺各選缺援照皖浙成案准臣等督同兩司秉公
遴員酌補期於人地相宜所有出缺日期及與例不符之處暫免
核計如蒙

俞允內有應行引

見者俟接准部文給咨赴部有應捐免保舉者飭令於三箇月內
赴京銅局補交俟本年正月以後所出各缺再行照例序補以符
定制臣等爲地方初定求治需人起見謹繕摺具陳伏乞

皇太后

皇上聖鑒訓示謹

奏

江北新漕籌辦河運摺

同治五年二月二十二日

奏為江北新漕遵辦河運謹將購運米數籌議情形恭摺會陳仰祈

聖鑒事竊臣等會奏江北漕米擬請每石仍折收銀二兩四錢以一半米數按一兩四錢例價解部每石節省銀一兩合之一半折色銀兩仿照民折官辦章程買米河運奉

旨飭交戶部議令力為其難以圖規復河運舊制遵經督飭司道迅籌妥辦旋准山東河臣撫臣咨會以河運難期妥速

奏請仍准全數折價以節浮費而資實用臣等恐運道不能修復則挽運難行不敢遽行采辦嗣於同治四年十二月二十二日接准部咨河運甫有成效不宜旋舉旋廢奏請仍遵前奏辦運毋庸再議更張等因奉

旨依議欽此欽遵咨會到臣遵復轉飭江甯布政使李宗義江安糧道許道身催提漕價刻速買米雇船提前趕辦茲據會議具詳前來查同治四年江北起運冬漕只有淮揚通三府州屬剔除災緩計應徵正兌改兌正耗米七萬七千三十二石四斗二升七合一勺分半起運爲數畸零擬請以正耗米四萬石試行河運其餘三萬七千餘石卽按例價每石作銀一兩四錢另行派員解部伏思河運係創辦之事以配船爲最難既無官造漕艘則受雇應從民便又無弁丁押護則長途尤費周防上年試辦之船以東境汛後河乾至今未返間多拆賣船板空身白歸以致各埠舟子篙師傳爲畏途竟無一船受雇臣等以此試辦正漕原期規復舊制斷不可暫圖敷衍致誤遠謀若以威令迫脅開行今歲或可勉從來年決難爲繼因令優加體卹必船戶樂從方能行之久遠上年

試運水腳每石共給銀六錢部議以後不得援以爲例按海運水腳每石僅給銀四錢二分有奇誠覺河運較重第海運船大行駛四川之久每船得領水腳千有餘金尙以疲乏無力出洋現須另爲調劑河運則一船只裝米二百餘石加以二成貨物所得運費總不及二百金自淮至通非七八月不能往返毋怪其相率裹足驅迫勢窮臣等現令每米一石仍給水腳及神福犒賞等款銀六錢並許以海運沙船已

奏請回空時准裝貨物免交北稅如蒙

俞允則河運船隻准其仿行應如何給照稽查另行議辦各船戶有此希冀受雇遂多因令於多船之中認真挑選務取堅實穩固者現已選雇完備飭令以揚州爲水次按幫停泊取具承攬保結編定號數擇日受兌開行江北向產粳米無多應照

奏定章程紅白兼收粳和並買惟以乾圓潔淨爲主歲杪時因起
運未定采買稍遲本年正月初米價驟增辦理極形棘手幸飭分投
購辦不任囤戶居奇現亦一律買就接准東河河臣函知黃河穿
迎之區非五月盛漲不能浮送臣等擬令該糧道於三月上旬受
兌銜尾開行趁盛漲未至之前全幫挽抵張秋一俟汎水初生卽
可僭行無阻一面飛咨山東河臣督飭廳縣趕緊修理牘壩挑濬
古淤俾利遄行並飭經過各地方官一體防護接催不准稍有羈
滯總期秋前交米俾船戶乘水回空以廣招徠而利後運惟查向
來漕務弊端互爲魚肉事屬相因州縣既浮收於民幫丁卽取求
於官抵通之後丁胥經紀亦從而向幫丁勒索之本年解運雖屬
正漕係於無可籌備之時爲民折官辦之舉絕無累民累官各病
運資較海運尤紉辦法與正漕不同所費銀錢係節省解部折價

及漕項銀兩事竣應一律造冊報銷凡有用項無不力求撙節竭
歷以從山淮徑達通倉剝費雜款兩款固無庸批解卽輕齎銀兩
亦僅能照米數合銀交倉只有經紀箇兒錢在所必需則仿照海
運成規辦理此外向來解漕輕規雜費一無所出恐丁胥經紀仍
沿從前勒索幫丁之弊惟有仰懇

天恩飭下倉場衙門嚴行禁革隨時稽查如有需索苛求應予嚴
提究辦務使漕弊乘此裁革河運可以暢行將來江廣各處正漕
漸次添造河船設法推廣似有益於

天庾正供爲

國家經久之謨所關實非淺鮮所有辦理章程繕具清單敬呈
御覽謹會同護理江蘇巡撫臣劉卨膏合詞恭摺由驛具

奏伏乞

皇太后

皇上聖鑒訓示謹

奏

代奏丁日昌潮州洋務條陳摺

同治五年三月初九日

奏爲丁日昌擬陳潮州府城交涉洋務應辦事宜據情轉奏恭摺
密陳仰祈

聖鑒事竊照兩淮運司丁日昌奉

旨馳回潮州原籍隨辦中外交涉事件現飭趕緊料理經手各務
再行交卸起程臣以潮州一事有關通商大局該運司熟悉洋務
誼切梓鄉平日必有籌慮當如何妥速了結其辦理關鍵所在能
否擇要指陳當經緘前去後茲據稟稱查潮州與洋人爲難非一
朝夕之故賢者抱義憤而不願與其戴天愚者負血忱而必欲寢
食皮肉固無論已而此外不得已之隱衷不能顯白於眾者其故
有二一曰惜虛聲當洋人之初欲入潮也其膽先怯有徘徊卻顧
之勢潮人因而得窺虛實益爲大言以恫喝之而洋人之氣益餒

於是眾志成城以爲舉天下莫能拒洋人而潮人獨能拒之有自
鳴得意之概今一旦非其入城似從前毅然以拒夷自命者忽然
墜此令名騎虎難下不能不勉強支撐必使不食前言而後已此
所謂惜虛聲者也一日懼實禍洋人在潮屬之汕頭開設碼頭屢
被潮人擄掠近歲入城復屢被辱罵一日挾官威而進城恐勢益
猖獗欲得昔日之厄已者而甘心焉人人皆有報復之懼固結於
中於是不能入城之議持之益堅此所謂懼實禍者也但潮城河
道本窄產物不豐而洋人必汲汲於入城者其故亦有二一日恐
效尤洋人議定通商之後於內地耦俱無猜獨潮州口岸不能執
約從事誠恐各岸如廣州廈門臺灣之民情稍悍者相率效尤羣
起而與爲難則有防不勝防之勢計尤悍者莫如潮州擇尤而抑
制之使莫敢予侮卽他處之萌伏未動者皆將相視而噤不敢發

所謂奏刀輒族而竅卻便可迎刃而解矣一日苦嘲笑英人自不
能入潮城之後凡等國及通事之不稱意者輒慢曰若雖強何不
逞志於潮羣居口角輒舉以相訾警英人實厭苦之其始本不甚
著意於入潮而終乃爲不得不入之勢古稱新法皆吾黨激成者
此之謂也然則潮民之不願洋人入城者情也亦勢也而洋人之
不能不入潮城者情也亦勢也在潮民之硜硜爭執誓與偕亡論
上氣則爲公忠論大局則多窒礙況洋人屢次入城屢次受辱彼
遵條約而我背之則屈不在彼而在我所謂刻核太過則必有不
肯之心應之者將於是乎在從前粵省辦理洋務當事者徒博一
時順民之美名而未衡全局始終之利害馴至敗壞決裂事不可
爲而後已日昌每追維往事誠私心痛之此次隨同瑞麟辦理交
涉事件自當抒一得之忱藉收不吐不茹之效惟日昌雖籍隸潮

州而住居鄉僻且遊客多年久未與潮人相習去歲在上海道任
內復因粵中游勇逃匪盤踞洋涇浜以搶劫爲生涯幾釀成豐三
年之變稟請誅戮首惡百餘人資遣回籍者八九千人雖滬濱氣
象一清而故鄉不無怨毒之積兼之潮人重官輕宦有指引開導
洋人入城之舉者輒以漢奸目之違眾立議未必遽遵曰昌旣奉
簡命何敢復計利害即使不能顯爲倡率亦當暗地轉圜默計行
店天主堂之舉能免則免不能免尙當從緩至入城之說不難於
目前無事而難於長久相安所可慮者潮人習於鬪狠素稱犷悍
不慮洋人之不能入城而慮其入城之後以利何誘愚民廣收無
賴之徒聯爲指臂之功變近禍大彌足隱憂此又當徐圖防範者
也茲將應辦事宜先行臚列三條稟祈據情轉
奏以備

廟堂采擇等情臣查核所稟於本籍居民與洋人相持不下之故頗末悉具謂不難於目前無事而難於長久相安識慮甚遠所擬事宜三條似尙山中款要臣不敢壅於上

聞理合照繕清單恭呈

御覽可否請

旨飭下署兩廣督臣瑞麟先行查核酌辦庶無歧誤除咨總理衙門查照外謹繕摺由驛密陳伏乞

皇太后

皇上聖鑒訓示謹

奏

謹將丁日昌擬陳潮州府城交涉洋務應辦事宜三條繕具清單恭呈

御覽

一立威宜留餘地也查潮民多聚族而居地近海濱鎗礮皆所素具一夫指麾千百爲羣督臣親臨潮郡固足脅之以威矣但脅之以威而未喻之以義督臣一去仍必尋釁生端結怨愈深且一省重官無過於督臣者儻親臨之後事有齟齬剔除則百姓並非叛逆勸慰則更無餘地可以轉圜愚意督臣似宜駐紮嘉應以撫卹難民辦理善後或託閩邊爲名一面摘傳潮州得力紳士赴轅開導並擇仕潮素得民心之人員會同紳士親往撫慰勸諭彼潮民不因迫脅而准許洋人便覺恩由己出可以久安無事且督臣相距不遠明示以若再違抗隨當親臨查辦自當惴惴恐懼不敢堅

執意見且使洋人知不能逞志於百姓者固非大吏之所能迫勒亦可以杜其處處要脅自重之念宋中葉遣官宣諭河北三鎮時相李綱頗以爲非此事固非其倫然清議所在固當處置得宜也一勘諭宜曲通民志也聞從前洋人入潮時府縣勘諭紳民但責其不顧大局且云若不約束滋事定惟紳士是問言語之間幾至微色發聲宣布閭閻眾論騰沸陸宣公云感人以言其本已淺言又不切其將誰懷潮州官民太相隔絕似宜選曾任潮屬素得民心如前任饒平縣李福泰潮陽縣周澄等親往開導獎以敵愾同仇之義諭以漢過不先之條且密勸以拔劍挺身之無益時局臥薪嘗膽之留爲後圖萬一洋人欺壓吾民官吏必爲如約懲辦彼潮民既信李福泰等之素非厲己又感大吏之諒其苦心且幸洋人之不能卽圖報復當不致再蹈前轍罔聚阻撓至該屬釐捐之

過於繁重者歷年捐輸出力之未蒙請獎者郡邑政令之不便於民者一一爲之施行裁革則百姓歡呼鼓舞自有令如流水之樂所謂說以使民民忘其死也

一紳士中宜德才並用也查潮州紳士中之守正不阿者類多閉戶自高不干外事其足以號召閭閻唯諾眾口者率皆才勝於德似宜因勢利導隨所欲而牽制之弛不羈之才拒之過甚反致激成事端此又不可不因地制宜也以上三條謹將管見所及略獻芻蕘至於和議之不可長恃自強之必須早計想

廟謨遠追近鑒必已未雨綢繆其餘一切未盡事宜俟至粵時再隨時稟商督撫辦理相機應變百聞不如一見固不敢遙爲懸揣也

議覆鹽釐難分片

同治五年三月初九日

再准戶部咨議覆淮南減釐加課一摺令再通盤籌畫等因查淮南鹽釐爲勘捻前敵諸軍命脈所繫臣前接勻分鹽釐部文與曾國藩統籌兼顧再四熟商惟有減釐加課於部餉可增於商本無損於軍餉亦不致大絀上年兩淮祇解部餉銀十萬兩本年照臣等前奏辦法非但部撥三十萬及內務府三萬兩可以籌解足數但願軍情無變銷路無阻鹽課得有盈餘亦必全供京餉乃部中於外間情形未能深悉卽如覆奏內稱四年鹽釐庫內有解安徽三款共八十餘萬兩皖省早經肅清該撫營內本有月餉川款未經核實等語查前次奏報清單惟錢款項下列解皖營軍需錢四萬六百餘千文係分濟安徽撫臣喬松年之餉其安慶牙釐局安慶糧臺則皆係曾國藩所設前單所解臺局鹽釐尙係金陵未克

以前經曾國藩撥放湘楚各軍緊餉絲毫皆歸實用並非批解安撫營內又覆奏內稱運庫經費一錢八分與原案不符等語查咸豐七年經前督臣奏明每鹽百斤令完銀一錢五分以一錢二分作爲報撥正稅三分作爲外銷經費經部議准在案每引六百斤應收經費一錢八分係照奏案辦理並非與原案不符至曾國藩遣撤各軍欠餉累累皆須陸續籌補其隨征留防楚軍尙有三十餘營上年出省時曾經添募新營現復加練馬隊購買駝戰馬製造營帳及洋鎗炸礮軍火費用日增而舊有之廣東江西湖南釐金早已歸還本省新撥之山東山西河南協餉又均報解無期臣部淮軍自東南肅清後全調皖豫東徐各路並未能裁撤一營路遠供繁難餉短絀亦不得不稍分接濟以統年淮南鹽釐所入約計尙不敷用上年將各岸應完之釐酌量預提並將淮北課釐

勉湊支放始克敷衍分釐解部之議目前勢有未能至加完鹽課
前奏內聲明定於三月初一日起已通飭各局一律遵辦現惟兩
淮迎使丁日昌趕籌課銀十萬兩儘三月內匯解進京以應戶部
要需餘俟鹽課收有成數再行接續解部謹會同協辦大學士兩
江督臣曾國藩附片具陳伏乞

聖鑒謹
奏

劉秉璋襄辦軍務片

同治五年三月初九日

再臣欽奉正月十八日

寄諭劉秉璋統帶淮軍素稱得力著李鴻章卽飭令該學士迅赴
曾國藩軍營襄辦軍務等因欽此臣查翰林院侍講學士劉秉璋
所部淮勇親兵十營及水師兩營駐防蘇松一帶均係餉源重地
須另派一員接替防務俾可交卸起程當卽恭錄

諭旨行令該學士部勒隊伍分起拔行又調總兵況文榜常字營
併歸劉秉璋帶赴宿遷以厚兵力一面咨請江南提督臣李朝斌
由吳江之同里移駐蘇州省城酌分太湖水師並於劉秉璋原部
水師內撥出一營改歸李朝斌調遣以防水路仍添募陸軍小隊
分習洋鎗炸礮會商護撫臣劉卬酌補中軍城守營額兵認真
操練以防陸路庶地方遊匪藉可稍資鎮壓現在張總愚捻股悉

竄東境宿遷爲由東入江門戶亟須重兵布置堵剿曾國藩疊次咨函亦盼劉秉璋速赴此路惟該學士咨報業與李朝斌會商交督蘇防先派總兵吳長慶統帶六營於三月初二日由蘇啟行劉秉璋自督駐守松江兩營許墅關榮字兩營及開花礮小隊由蘇取道鎮揚陸續前進並飭況文榜一營從高橋徑赴清江會合大隊同駐宿遷再行相機派撥其親兵水師一營與山東臬司潘鼎新舊部鼎字水師並飭往鎮江接渡陸勇亦卽隨同北上除到防後由曾國藩酌度妥辦外所有劉秉璋一軍起程日期理合附片陳明伏乞

聖鑒謹

奏

茶捐請獎摺

同治五年三月初九日

奏爲皖南續辦茶捐查取四卯捐數員名懇給獎敘恭摺奏祈
聖鑒事竊照徽州甯國池州三府屬產茶地方經原任左副都御
史張甯於咸豐七八九十等年按引籌捐彙入徽州各項捐輸分
案請獎自督臣曾國藩接辦以來明定章程每引捐銀八錢同治
二年復定章程加捐銀四錢每引其捐銀一兩二錢仍照向章填
發捐照由各商開具履歷呈繳牙釐局換給實收照簿餉例一律
核獎業將頭二三卯捐生造冊請獎在案茲據安徽牙釐總局署
布政使何璟詳稱自同治四年六月起至五年正月月底止各屬陸
續呈繳元二三四等年茶捐省照二千九百六十九張計銀十八
萬六千三百九十六兩九錢五分四釐七毫嗣據各捐生繳到中
照六百二十六張計銀四萬五千二百二十九兩六錢六釐七毫

就現請官階按照減成新例核算計正項銀四萬五千二百二十六兩六錢除所餘零星尾數銀三兩零零六釐七毫應行核銷毋庸給獎暨仍存茶捐省照二千三百四十三張俟各捐生呈繳中照刊日換給實收另行核獎外此次計請實職虛銜加級封典者有王炳等一百二十三名請監生貢生耆耇有徐樽等二百七十二名造具履歷清冊請奏前來臣覆查各屬繳到省照比對銀數所請官階等項均屬與例相符除將清冊咨部核辦外仰懇天恩俯准敕部照議給獎以昭激勸理合恭摺具奏伏乞

皇太后

皇上聖鑒訓示謹

奏

南洋七關交過二成銀兩摺

同治五年二月十二日

奏爲南洋長江七關自第一結起至二十一結止交過英法各二成銀兩數目繕摺奏祈

聖鑒事案照咸豐十年英法二國續約內載每國賠償銀八百萬兩在津郡先各付銀五十萬兩又在粵省各分繳銀三十三萬三千三百三十三兩其餘銀兩從是年八月十七日起於通商各口所徵稅內每屆三箇月一結各付二成歷經按結照辦山各口將軍督撫會摺

奏咨嗣屆第十九結時承准總理衙門咨查當將交過數目開單咨報現至同治四年十一月十四日又屆第二十一結期滿復准總理衙門咨據總稅務司赫德查明南洋北洋各口連天津廣東兩款在內合計每國約應收有銀七百七十五萬兩之數未扣之

銀仍各有二十五萬兩上下併歸閩海粵海江漢四關於第二十二三兩結底其各付銀二十五萬兩如有尾數仍由江海關付清完案應知會所轄各關再將二十一結以前付過銀數詳加復核另造細冊每結係交某國領事手收並照繕每結會單一分由關會同稅務司核對清楚送交領事復核畫押彙齊奏咨其已經停付扣款各關從二十二結起於部撥京餉協餉之外仍按結酌提四成委解部庫專款存儲以備要需於同治四年十二月初五日具奏奉

旨依議欽此又准咨開續據赫德申稱前開第二十一結各口交過銀兩本係約計核對報到較前約計銀數多至十一萬四千兩請將原定閩粵漢三關第二十三結底應交之銀毋庸再扣卽由江海關查明尾數儘數扣清各等因均經轉行遵辦去後茲據各

該關查照總冊會單先後詳報前來臣查南洋長江七關通商各
口自第一結起至二十一結止交過英法二國各二成銀兩計閩
海關交過銀各一百九十三萬一千一百七十九兩一錢一分七
釐一毫六絲粵海關交過銀各一百二十八萬一千一十八兩二
錢五分江海關交過銀各二百三十四萬六千七百七十五兩八錢五
分七釐一毫浙海關交過銀各二十九萬六千六百九十三兩一
錢七釐六毫鎮江關交過銀各七千一百八十五兩四錢八分五
釐九江關交過銀各三十一萬三千六百四十七兩六錢九釐江
漢關交過銀各五十三萬六千三百九十兩七錢八分二釐其計
交過英國二成銀六百七十一萬二千一百九十兩二錢七釐八
毫六絲法國二成銀六百七十一萬二千一百九十兩二錢七釐
八毫六絲其應找尾數已飭江海關俟第二十二結之銀交付後

連前及後並合北洋交過數目通盤核算仍有應找尾數若干卽行按數清交完案月再專案辦理除將總冊會單聲明咨送總理衙門查收以備憑算並分咨戶部查照外所有南洋長江七關交過英法二國各二成銀兩數目理合繕摺由驛具

奏伏乞

皇太后

皇上聖鑒謹

奏

捻股南竄扼剿摺

同治五年四月十六日

奏爲東省各捻股被創悉眾南竄現籌派隊扼剿情形恭摺馳陳仰祈

聖鑒事竊自張總愚捻眾流竄東境任柱牛洛紅賴汶沆各股在鄂省敗遁後由皖而豫而東與張逆並股悉聚郛城鉅野境內旋因直隸提督劉銘傳涼州鎮總兵周盛波等督軍追及又有臬司潘鼎新暨臣弟昭慶所部分投堵剿該捻不得逞志於黃運兩河乃回竄蘇之豐碭將窺皖之蒙亳臣接准督臣曾國藩咨報卽檄調南贛鎮總兵王永勝統開字十營由宿松馳紫臨淮以扼其衝適周盛波周盛傳等亦率部隊由歸德疾進亳州以遏其前賊遂折竄宿州分股由徐境東趨延擾銅山邳州宿遷睢甯界上游氛一片勢將偪伺清江查清淮腹地屏蔽裏下河各州縣該處二麥

正當成熟尤爲羣捻所覬覦雖有學士劉秉璋駐軍宿遷總兵楊鼎勳駐軍臺莊韓莊會同總兵歐陽利見鄧長里等淮揚水師上下聯絡力扼運河以固兗沂淮海之防而清江兵單究爲可慮臣商令長江提督黃翼升輕舟駛往布置水路又飛調古州鎮總兵劉士奇統奇字七營由東壩拔營北渡計旬日內可抵清江現據劉銘傳馳報由曹縣追賊而南途次疊獲小勝四月初五日率隊進解豐縣城圍復躡賊而東周盛波等亦於二十六七日在荷澤縣境與張總愚捻股惡戰數次臣批飭劉銘傳會合周盛波等從西北進追並令劉秉璋俟劉士奇王永勝等到防後相機從東南兜剿總須趁地勢以布局各軍漸偪漸近首尾互應乃能收夾擊之效惟賊騎剽忽善於避兵旁竄臣軍鎗隊笨重四路遠隔往往追遏不及當隨時與督臣曾國藩漕臣吳棠妥籌調度力維全局

所有捻股南甯派隊勘堵緣由謹繕摺由驛具陳伏乞

皇太后

皇上聖鑒謹

奏

河運回空帶貨免稅摺

同治五年四月二十三日

奏爲江北河運新漕設法開行並遵議准帶貨物免稅章程恭摺
仰祈

聖鑒事竊照同治四年江北漕米起運四萬石經臣等籌議河運
章程會奏欽奉三月初一日

上諭上年漕船回空停泊東境日久未歸若不量爲變通無以廣
招徠而利後運著照該署督等所請每米一石給銀六錢並准照
海運沙船之例回空時准裝貨物免交北稅應如何給照稽查示
以限制之處由該署督等妥議具奏等因欽此遵卽轉飭江安糧
道趕緊受兌依限起程道值捻勢東趨淮徐告警兌米稍事停頓
茲據該糧道許道身申報前項漕米四萬石均已受兌齊全於四
月十五日自揚州水次起程督率委員押護北上又准東河河臣

張之萬飛咨逆捻竄擾東境窺伺運濱尙未遠颶深賴運河攔禦
已將各閘加下嚴板攔蓄水勢滕嶧二汛減壩缺口均未堵築各
州縣挑工未能空水興挑請將漕船稍遲啟行上駛等因臣查漕
米既經兌齊啟運固難遽令截留東河因防務未能興挑亦屬勢
所必至第思挑濬運道原圖漸復河運舊規但使東境各工酌量
挑濬沿途捻氛稍遠閘壩無阻漕船當設法挽行庶可乘汛水盛
漲之時浮送渡黃若開駛過於後期則臨事必至貽誤現飭該糧
道隨時探明捻蹤相機運行妥籌進止過清江後由漕臣吳棠督
飭照料沿河水道深淺不一仍仿照上年試運辦法在途酌雇剝
船遇淺起剝以利進行一面分咨督臣曾國藩山東撫臣閻敬銘
轉飭守河營員地方官弁按站巡防撥護以昭慎重至船戶來回
所帶貨物飭令該糧道以裝米輕重價值科算如重運一船裝米

三百石准帶二成土宜六十石其貨物價值不得過銀一百二十兩回空之船准帶成本銀五百兩之貨均以置貨發票爲憑由糧道督飭委員查明按船開單黏發護照並詳咨經過關卡驗照放行俾示限制所有漕米兌齊設法運行並妥議帶貨免稅各緣由理合會同漕運總督臣吳棠合詞由驛具

奏伏乞

皇太后

皇上聖鑒訓示謹

奏

淮軍報效欠餉請加廣中額學額摺

同治五年五月二十七日

奏爲淮軍水陸各營報效欠餉請加廣本籍中額學額恭摺仰祈
聖鑒事竊臣部湘淮各軍截至同治三年六月底止積欠軍餉發
過餉票數目於上年六月初一日開單奏報聲明貴州兵營忠字
等勇營不領餉票報效舊欠銀七萬二千七百四十八兩一錢八
分五釐三毫六絲七忽請俟彙案辦理續據統領淮勇提督銜記
名總兵張紹棠鄭國魁按察使銜江蘇候補道吳毓芬及臣弟昭
慶等稟稱所部親兵中營護軍中營桂字正副兩營松字新中營
親兵正中營春字中營先鋒芳字營魁字正前兩營水師親兵後
營華字正副左右四營共計十五營自同治元年先後編立成軍
開支口糧日期遲早不一年來餉源短絀積欠日增各該營官傳
集哨勇曉以大義其體時艱願將歷年欠發餉銀截至四年底止

全數報效不邀獎敘請爲本籍加廣中額學額等情當經飭局將
各營官籍貫及欠餉實在數目併案詳晰查復除籍隸外省之貴
州兵營雖據報效行糧尙有原省坐餉可領要與勇營不同無庸
核計外所有臣弟鶴章營部忠字正副左右四營春字右後兩營
撫標水師前營將領弁勇多係皖人計欠發餉銀三萬五千七百
七十七兩七錢四釐三毫此次所報親兵中營等淮勇十五營計
欠發餉銀二十七萬三千八百一錢三分九釐六毫六絲七忽
通共欠餉項下報效銀三十萬八千八百五十七兩八錢四分三
釐九毫六絲七忽詳核前項銀數按照奏定章程請廣文武鄉試
定額各一名又一次文武學額各四名尙屬有益無絀據報銷局
司道查明詳請奏辦前來臣查此起淮軍募自皖北凡統領營哨
暨勇夫人等籍隸合肥一縣者居多現雖粵逆殄除而捻氛方熾

近且流竄皖境偏何長淮該將士等身在行間深知籌餉日艱願效愚忱以爲各軍之倡尙屬急公好義顧全大局合無仰懇天恩敕部查議准以銀三十萬兩加廣安徽省文武鄉試定額各一名以銀八千兩加廣廬州府一次文武學額各四名俾作士氣而昭激勸除將營官籍貫欠餉實數造冊送部核辦外所有准軍報效欠餉請廣中額學額緣由謹會同安徽撫臣高松年安徽學臣朱蘭繕摺陳請伏乞

皇太后

皇上聖鑒訓示謹

奏

江皖防剿片

同治五年五月二十七日

再東路捻股於五月初八日在徐州之荆山橋經直隸提督劉銘傳所部擊敗後全數竄出徐境惟時涼州鎮總兵周盛波提督周盛傳等適由蕭縣追賊至徐又截之於大壩牛浦地方張總愚一股向西北遁往歸德單縣等處任柱牛洛紅等股與張逆相失折而南趨遂渡滄渦兩河竄入懷遠鳳臺境內淮河南北伏莽竊發有句捻過淮之謠淮南腹地空虛居民驚徙撫臣喬松年函稱皖軍力薄難支急求援救臣以周盛波等爲張總愚股牽綴恐未能引軍南來因令現駐蕪湖署皖南鎮總兵王可陞分派陞字兩營拔隊北渡移守廬州並檄南贛鎮總兵王永勝由臨淮分隊赴懷遠臬司劉秉璋由宿州進蒙城與楊鼎勳王永勝等會合相機兜剿冀可稍遏兇鋒劉銘傳一軍終歲馳驅疲勞已甚前經督臣

曾國藩奏明在濟甯休息兩月旋因追勦東下已至徐州卽在徐
城暫駐按據該提督來函以賊勢趨重皖北自願調戍六安保全
故土臣已批令剋期兼程入皖如能早到廬六一帶當可無虞所
有近日江皖軍情理合由驛附陳伏乞

聖鑒謹

奏

減漕未盡事宜摺

同治五年六月三十日

奏爲確查蘇松等屬裁減浮收案內未盡事宜詳細聲明請
旨勒石遵守恭摺奏祈

聖鑒事竊臣等接准戶部咨同治四年十二月二十六日奉

上諭李鴻章劉卹膏奏查明蘇松等屬裁除浮收實數並請旨永
禁大小戶名目等弊一摺前因江蘇蘇松常鎮太等府州屬額賦
太重經該省督撫等奏請裁減按照全額計減去制錢四十萬餘
千當經降旨允行朝廷加惠閭閻實足以蘇民困惟江蘇積習已
久各州縣徵收漕糧之時每有大戶藉詞抗欠任意短交致各州
縣有所藉口而裁減之惠徒以供不肖官紳之朘削而無益於民
嗣後江蘇各州縣開徵漕米漕折不准復立大小戶名目其包漕
索規等弊著一併永遠禁革如有京外職官舉貢生監仍藉大戶

爲名與各州縣爲難營私抗玩卽著該省督撫奏請褫革從嚴懲辦該督撫務當督飭各屬秉公徵收亦不准於例定折價之外稍有浮冒抑勒違則從嚴參辦此旨卽著李鴻章等勒石遵行並出示曉諭俾紳民咸知感奮一律清完餘著照所議辦理等因欽此應卽通飭各屬欽遵辦理惟查蘇省浮收之弊約有三端漕居其二地丁漕款居其一漕米徵本色者弊在加收斛而徵折色者弊在高擡米價其地丁漕項徵條銀者弊又在高擡銀價上年裁減浮收經臣鴻章暨前護撫臣劉鄩督飭臣柏蔭在署蘇州布政使任內飭屬查報仿照浙江江西現辦情形折衷定議本色收漕每石餘耗以三斗爲率折色收漕每石折價年內以四千五百文爲率年外以五千文爲率徵收地漕各款條銀每兩折價以二千文爲率所有啟徵各屬業已一律遵行尙無窒礙惟現在減定地

漕條銀折價之數既應遵

旨勒石所有減定徵漕餘耗折價各數自應一併通行勒石永遠
遵循復經飭司通盤稽核除鎮江府屬各縣徵收條銀從前折價
較少向係徵不敷解若概令照現定折價數目完納小民未必樂
從應於漕米本折收數內通籌挹注庶幾官不朘民民不累官容
俟啟徵時另行酌議具

奏外其常州一屬向辦情形前此未經周悉之處現亦一體查明
照減定實徵數目通盤核算約計蘇松常太四府州漕米項下其
減去浮收米三十七萬四千餘石浮收漕折錢一百六十七萬六
千餘串地漕項下共減去浮收條銀折價錢四十萬餘串謹另開
清單恭呈

御覽仰懇明降

諭旨再行詳悉宣示以便欽遵勒石永遠奉行此後設遇銀米翔
貴有不得不與時變通之處仍當遵照部行於啟徵時

奏明辦理據署蘇藩司王大經蘇糧道奇克坦泰會詳請

奏前來謹會同漕運總督臣吳棠恭摺具陳伏乞

皇太后

皇上聖鑒訓示謹

奏

部駁保案覆奏片

同治五年七月十三日

再臣自同治元年三月赴滬督師維時大江以南盡陷於賊以上海一隅之地當數十萬方張之寇成敗利鈍本非敢知幸仗

天威諸將用命卽帷幄之士亦皆同仇敵愾荷戈相從用能規取省垣旁收郡縣三年之內攻下江浙二十餘城軍需太繁則用才必廣其節次出力人員何忍沒其勞勩以致士氣不揚查吏部奏定章程除攻克城池斬擒要逆不准越級保升及免補免選本班又軍務省分人員如經別省督撫帶兵大臣因勞績保奏卽一律議駁等因自應遵照辦理惟臣軍歷辦保案必俟克復數城後始請集獎原爲慎重嚴實起見茲准部咨有助勦解圍而議駁者有以奮勇鏖戰首先登城加考而仍駁者似定章未盡畫一臣先在皖南北軍營幾及十年凡筮仕皖省如劉佐禹周德樑等其籍隸

皖省如吳儉徐文達方鴻周馥任本照鮑國治等皆由積年留心
訪察深知其才能可用始調赴上海軍次若實其力而轉靳其賞
奚以策效將來復查異常得力實爲營中必不可少之人例得聲
明請

旨恩准將劉佐禹等十七員悉照所請以資激勵並將諾穆歡布
立功年月及孫錦原銜錯誤之處

敕部分別核准更正此外奉部議駁尙有勞績卓著之員俟各營
詳查到日隨時核明據實籲懇

恩施斷不敢稍涉國濫理合附片陳請伏乞

聖鑒訓示謹

奏

淮鹽課釐半年收數摺

同治五年七月二十八日

奏為恭報同治四年下半年淮南徵收課釐數目仰祈

聖鑒事竊照淮南鹽務經曾國藩奏定新章請將所徵課銀按半年奏報一次各處鹽釐隨課並報欽奉

諭旨敕部議准前已報至同治四年六月底止在案茲查四年七月初一日起至年底止共收課釐銀一百七十九萬九千一百六十八兩有奇又收鹽釐錢十七萬七千九百三十二千有奇以上半年收數併計共收銀三百十九萬餘兩又收錢三十二萬餘串較三年分加增一百餘萬之多籌運疏銷漸收成效各省緊要軍需聊資接濟但臣溯查曩時鹽法屢振屢蹶其致壞之由皆由初定一章偶著小效人人視為利藪俄焉而引額加之俄焉而課項增之甚至鹽規匪費融銷帶徵名目疊出內外爭索取用日繁則

商利日薄正項亦日虧不數年而積重難返於軍國大計奚所補
益今淮南運道雖已暢通而鄰私未及堵引地未盡復其新章尙
有起色者惟在保固商本禁絕浮費涓滴歸公不似昔年之濫徵
濫應是以屢奉部文飭加正課祇能在於派解金陵鹽釐項下酌
量減收以供京餉未敢加取於商轉令聞風裹足至所收課釐下
半年共徵一百七十餘萬兩乃係總收之數其江西湖南湖北三
省派分五十餘萬兩藉充鄰省軍需此外如彭玉麟黃翼升水師
軍餉暨九江關稅京口旗綠營餉皆須分款協濟曾國藩前此餉
源以廣東江西湖南釐金爲大宗早已奏明歸還本省目前勦捻
緊餉專恃淮南鹽釐兼須支發湘楚各軍留防新糧道撤舊餉統
師日久費用浩繁以入抵出不敷尙多江西湖南兩局共計虧墊
十六萬餘兩急待籌補本年每引又減鹽釐一兩一分三釐加入

正課月減二錢加入經費即使各岸銷數與上年相仿釐銀必形短絀況鄂省三四月間川私跌價搶售准鹽更多積壓近日運河決隄浸沒場竈漢江發水淹及鹽倉於額產銷路均有窒礙良可焦慮據署兩淮鹽運司程桓生具詳請奏前來除將各冊咨送部科外謹彙開清單恭摺具奏伏乞

皇太后

皇上聖鑒敕部查覈再前准部咨以兩淮鹽釐用款軫軻奏請飭查當經臣查明前次報解安慶牙釐局安慶糧臺銀兩實係四年上半年所收鹽釐經曾國藩撥放湘楚各軍除新餉外有補發金陵未克以前欠餉前奏未及聲敘明晰並非以四年之釐作三年之用況臺局支放有月日可稽印領可考亦斷不能以應銷之款牽入免銷數內卽經縷晰備文咨覆戶部合併陳明謹

癸

卷十

四

分援浙皖閩六案彙保摺

同治五年八月二十日

奏爲蘇軍分援浙皖閩三省疊克城隘之水陸員弁兵勇及籌餉轉運出力人員遵

旨查明六案彙保仰祈

聖鑒事竊自蘇常旣復賊聚浙西逆酋黃文金楊輔清等堅踞湖州勢將爭我太湖之險同治三年五月臣商調長江提督黃翼升江南提督李朝斌各帶所部水師並檄令直隸提督劉銘傳福建提督郭松林總兵楊鼎勳劉士奇王永勝臬司潘鼎新劉秉璋及諸統將等各帶所部陸師分道入浙擊退賊援五月二十四日直偪長興縣城克之乃由太湖兩岸連營並進七月十三日李朝斌潘鼎新環攻展舍賊巢又克之劉銘傳一軍由安徽之建平縣徑趨廣德郭松林楊鼎勳王永勝劉士奇各軍先奪大德橋尹隆橋

兩隘徑取湖州二十七日諸將會戰大破賊於八里店遂克湖州府城二十八九等日旋拔四安併克廣德州城又於四年三月遵旨飭派郭松林楊鼎勳督師由滬航海入閩會攻漳州漳浦不數旬而府縣兩城俱下在事出力員弁經臣六次奏奉

諭旨查明覈獎遵經恭錄轉行去後茲據各該營詳查勞績分別等差先後開摺請奏前來伏查臣部水陸百數十營請保各員合計之似見其多分計之或嫌其少況此次援剿三省攻克五城四隘湖州廣德復而爲皖浙肅清之始漳州漳浦復而爲粵賊殄滅之機現當東南七省大功告成各路軍營皆得拔戈退息獨蘇軍將士全數調征北捻方且馳驅終歲攻戰不休卽轉餉人員越境相從重洋遠涉躬親戰陣出死入生亦不過冒鋒鏑之餘以冀尺寸之賞臣仍逐加核減期於無濫無遺相應分繕清單仰懇

天恩俯念粵逆剿辦告竣從優准照所請破格獎勵以資激勵除
千總以下各弁及六品藍翎等項循案造冊咨部核辦外所有分
撥浙皖閩三省出力員弁六案彙保緣由謹繕摺由驛具

奏伏乞

皇太后

皇上聖鑒訓示再陸軍各營經督臣曾國藩先後調赴東皖豫等
省剿辦捻逆遠隔數千里移駐無常輾轉駁查有需時日是以彙
奏稍遲合併陳明謹

奏

馬格里請加道銜片

同治五年八月二十日

再英國兵官馬格里前在臣營教練鎗隊設局仿造西洋火器著有成效當經奏蒙

賞給三品頂戴該兵官感極思奮講求洋器製造益精在局四年始終不懈每募

聖朝聲教冀得一中國文職俾可誇示同類以遠耀島洋查此次克復湖州等城破敵摧堅頗得開花礮彈之力論功行賞該兵官亦應酌予獎勵可否懇

恩准將三品頂戴馬格里

賞加道員虛銜以示優異之處出自逾格

鴻施理合附片陳請伏乞

聖鑒訓示謹

奏

籌辦棧毛摺

同治五年八月二十日

奏爲籌款派員采辦棧毛備解部庫恭摺仰祈

聖鑒事竊臣前准工部咨以成造各

增

廟棧毯並常朝棧毯需用棧毛向例行文兩江總督飭屬辦解現在庫無存儲待用孔亟所有欠解之十五萬斤

奏請行催辦解等因經臣飭司查明產棧之甯國池州太平三府地方久經賊擾棧樹盡被砍伐無從采辦應派員前往江西湖北產棧處所酌量辦解據署安徽布政使吳坤修詳稱奉取棧毛向以五萬斤爲一批茲奉催辦十五萬斤司庫實係無款可籌擬卽辦解五萬斤以供支用其應需正協價值等項在於司庫正款內動銀一千五百兩耗羨項下動銀四千九百餘兩派委幹員徑赴

江西湖北等省采辦等情請

奏前來臣查皖省司庫支絀籌款維艱而京棧要需未可緩解應令設法采辦五萬斤備解供用餘俟地方棧樹興復庫款稍裕再行察辦所有籌款酌辦棧毛緣由謹會同安徽巡撫臣喬松年合詞具陳伏乞

皇太后

皇上聖鑒謹

奏

遵旨出駐徐州起程日期摺

同治五年九月初七日

奏為微臣遵

旨帶印出省進駐徐州恭報起程日期仰祈

聖鑒事竊臣准督臣曾國藩函咨張總愚任桂各捻股於八月十

六夜由汴南衝破隄牆悉眾東竄已派直隸提督劉銘傳山東臬

司潘鼎新兩軍追出曹單濟甯一路江蘇臬司劉秉璋蘇松鎮總

兵楊鼎勳右江鎮總兵張樹珊等三軍先後拔行回顧徐州韓莊

一路仍商令臣親赴徐州就近調度等因臣以此次捻眾合竄而

東不旬日間蔓延荷曹鄆城鉅野一帶乘虛疾走勢欲搶渡運河

查沿運上游開河靳口以北有東軍分防韓莊八閘有臣弟李昭

慶一軍分防兵力皆單誠恐顧此失彼連日接據探稟劉銘傳潘

鼎新各軍均入東境分路齊進自當酌就地利布局兜剿以取前

後夾擊之勢惟中原平曠賊騎飄忽若難越過運河必將回竄徐
皖腹地空虛亦甚可慮臣已飛檄南贛鎮總兵王永勝統開字十
營由六安拔隊渡淮馳赴泗州暫駐並飭道員吳毓芬由揚州酌
帶華字四營前赴清江暫駐又在江甯省防抽調副將鄭國榜等
魁字兩營總兵吳殿元親兵一營徑赴徐州城外暫駐均俟臣過
清江後相機調遣正在分派各隊料理啟行聞欽奉
諭旨飭臣迅卽攜帶關防馳赴徐州調度湘淮各軍防衛淮徐以
東各路並與閩徽銘商辦山東軍務互相策應等因伏查兩江總
督兼轄三省地方公務極繁又須籌餉辦兵兼辦洋務徐州相距
較遠微臣才智短絀竊慮前後不能兼顧第曾國藩久勞在外病
體未愈捻眾全股東竄邊防萬分喫緊但使力所能勉何敢稍有
諉延現將地方尋常事件暫委江甯藩司李宗義代印代行凡有

關軍事餉事及通商衙門地方緊要事宜均飭遞徐州行營核辦
至江甯省會山地時有潁江游匪劫掠並飭藩司李宗義會同署
江安糧道杜文瀚記名提督張紹棠所統親兵鎗礮五營暨省標
中軍城守各營嚴密巡防臣部督糧定遵卽於九月初九日由省
啟行順過高郵查勘運隄衝缺如何堵築情形卽往清江與漕臣
晤商一切俟到防布置察度賊勢妥籌調度續行具奏外所有
臣由省啟程前赴徐州緣由謹繕摺山驛馳陳伏乞

皇太后

皇上聖鑒謹

奏

保薦人才片

同治五年九月初七日

再准吏部咨開五月二十七日奉

上諭直省道府州縣歷經各督撫隨時保奏特予擢用者頗不乏人第恐惻惻無華之吏尙未能盡登薦剳著各督撫於所屬府州縣內留心查訪如有盡心民事政績可紀爲紳民所愛戴者卽臚列事實具奏候旨調取引見以備簡用等因欽此仰見

朝廷講求吏治慎舉賢才曷勝欽感竊維今日急務以求才爲最要若體用兼備器識閑遠者固未易言臣忝膺疆寄五年於茲籌餉籌兵兼任地方從事不下數百員隨時留心察訪如運司丁日昌才猷卓特粗道王大經操守廉介均已仰蒙

擢用此外惻惻無華實心任事歷試不渝者尙不乏人敢舉所知以備器使查有分發補用道錢鼎銘江蘇舉人操行貞篤條理精

密同治初年蘇省淪陷上海危急該員來皖乞師首定援滬之策
隨臣攻勦籌備軍需始終無誤上年委辦出境勦擒各軍轉運糧
餉軍火通籌全局緩急得宜調和軍民輿情翕服實屬久歷艱苦
最爲得力之員又保升江蘇補用道高梯江西舉人廉正勤苦志
趣堅卓從軍數載誓於公款不染絲毫同治三四年委辦常鎮招
墾撫卹事事躬親布衣草履問民疾苦節次密查要案嫉惡如仇
今秋下河水災飭往賑撫扁舟徧歷核實散放吏畏民懷足備循
良之選又江甯府知府涂宗瀛安徽舉人曾國藩於二年十一月
閒保奏稱其踐履篤實治官事如家事嗣署補斯缺臣見其志慮
忠純勤求民隱華孳不倦興書院以教士招流亡以墾荒賑施窮
黎嚴懲衙蠹俾彫敝地方漸有起色殆所謂日計不足月計有餘
者又保升知府借補長洲縣知縣蒯德模安徽附貢才識開展明

而能斷自蘇城克復後調署首篆凡通商惠農緝匪減漕諸大政
皆隨同艱苦經營一洗官場浮滑之習清理積案獄無留訟紳民
愛戴頌聲翕然以上四員雖未必遽能勝艱鉅之任要其勵行修
飭治事勤奮錢鼎銘蒯德模才略較優高梯涂宗瀛質地最樸用
其所長均可振疲玩而裨吏治應如何破格擢用之處出自
聖裁惟揔患正急臣方出省督師不獨錢鼎銘高梯承辦轉運賑
卹各要務未可暫離卽涂宗瀛蒯德模現任省會守令巡防彈壓
尤資熟手難遽交卸赴京應請
旨暫緩調取引見俾資臂助所有遵保循吏緣由附片具陳伏乞
聖鑒訓示謹
奏

江北水災籌辦工賑摺

同治五年九月初七日

奏爲江北大水成災請撥司庫存款並另籌捐項以賑災黎而濟要工恭摺仰祈

聖鑒事竊自本年夏間雨水過多湖河漫溢清水潭二閘決口江北高郵興化寶應泰州鹽城山陽阜甯各屬悉被淹沒當經派員往勘挪款撫卹一面飭令江甯藩司預籌堵築巨款並辦捐賑留養以濟災民臣於七月十三日附陳大概在案茲據該藩司李宗義詳稱此次襲下河災重且廣自秋徂冬爲日正長亟須量加賑卹惟當庫藏支絀款項難籌祇有酌盈劑虛諸從節省如山陽阜甯等縣尙有高區薄收者飭派印委各員勸諭紳富勉力捐輸或買米平糶或設廠煮粥因地制宜酌量妥辦其餘高郵興化等州縣盡在水中無捐可勸必應撥款賑助現在籌節估計今歲冬賑

來春接濟至省約需銀十餘萬兩而堵築漫口又須東西兩隄並舉蓋西隄爲東隄之屏蔽西隄不築則湖水毫無收束東隄口門刷寬已將三百丈遲堵一日卽下河田廬多淹一日明年春汎湖水復來不但春花無望並秋禾亦不能種此隄工尤萬不可緩者也如於今冬水落之時併力趕堵則費半功倍約須銀二十餘萬兩統計工賑兩項共須銀四十萬兩向來堵築河工賑濟災民均在本省藩關各庫請撥銀兩近年蘇屬錢糧未盡啟徵兩淮鹽課久未復額各關商稅并無可撥之款江藩司所收錢糧僅有淮揚通海四屬而兵災蠲緩徵解無幾今屆大水入款更絀輾轉籌思實無良策或謂款無可撥捐尙可籌然江北勸捐向賴裏下河各州縣今下河旣全遭水患祇通州海門如皋泰興四處稍有收成紳富連年捐餉業已筋疲力盡亦斷難如數取盈查江藩庫儲有

提存揚防節省項下歸還同治三年將軍富明阿借用漕價撥贖銀七萬七千六百六兩零又淮海等屬四年分漕糧折價解存銀三萬二千一百兩零又歷年扣存解部餉平銀五千三百五十五兩零又三年官捐京倉米價未經撥用銀七千五百兩零又近年牙行捐領部帖積存銀八千七十兩以上存庫正雜各款共銀十三萬餘兩應請儘數撥充工賑要需此外不敷尙多再會同運司設法籌捐等情請奏前來臣查江南北川兵十數年惟襄下河一隅幸稱完善今年高寶運隄漫口遭此奇災難民渡江而南者疊飭各屬收當耕牛招墾荒田分別留養傭值惟老弱孤苦輾轉溝壑不知凡幾飢寒交迫勢將束手待斃爲目前救荒計不能不急籌賑濟爲來年農事計又不能不迅辦隄工現值北路軍務未平餉需萬緊別無鉅款可籌應如該司所請仰懇

大恩准將前項存庫各款全撥工賑之用不敷則勅令地方紳富及淮南鹽販酌量籌捐以圖補助溯查咸豐六年江省籌辦捐米抵賑上年金陵善後捐輸均經奏准按照籌餉新例減成給獎此次捐辦工賑銀兩事尤重大若不優予獎敘難期踴躍應請援案照例銀遞減二成准報捐實職虛銜

封典翎枝等項如本身不願請獎並准移獎子弟親族由司先給實收隨時造冊報部換給執照其貢監職銜擬查明藩庫有無舊存空白部監各照先行填用仍開單咨部續請頒發如蒙

俞允當卽分別飭司趕辦並將請撥銀款及所收捐項樽節動用計工賑所需若干俟事竣一併造報不准絲毫浮冒以歸核實而重款項所有江北工賑要需請動撥存款及籌捐辦理緣由謹會同調任閩浙總督漕運督臣吳棠護理江蘇撫臣郭柏蔭繕摺馳

陳伏乞

皇太后

皇上聖鑒訓示謹

奏

陳藩留營調遣片

同治五年九月初七日

再前任安慶道陳藩奉

旨開缺調取引

見已據報交卸請咨惟查該道由翰林御史簡放江西南安府知府咸豐十一年閒前安徽撫臣李續宜訪聞該員操行廉愷奏調赴皖適值安慶克復臣正在曾國藩營中目擊省城彫瘵情形亟須賢吏佐治曾國藩復奏請

旨將該員調授安慶府知府莅皖之初百事草創飲冰自勵勤政愛民署中未延幕賓鉅細躬親招集流亡振興學校在任五年境內無不墾之田鄉曲有絃誦之樂皆由該員與民休養所致該員樸訥長厚貌粥粥若無能有兩漢循吏氣象曾國藩同治二年奏保摺內謂陳藩貞介澹定雖才力較薄而月計有餘固篤論也其

心地政績上司或不盡知皖中士民無貴賤皆知之昨聞卸事入都該省紳庶攀留不得有來轅訴歎者有寓書詰責者誠以撫臣帶兵遠駐省會根本得一好官則民心較易維持臣係皖人采訪輿情甚爲愛戴不敢稍避嫌怨匿不上

聞該道京官十餘年疊蒙

先皇帝召對引

見似非軍功出身未曾赴部者可比臣現帶兵赴徐切近蒙亳皖事頗有交涉行營正須差委籲懇

聖恩可否暫准留於臣營以備調遣仍請

旨量予擢用以順民心而裨吏治謹附片據實陳請伏乞

聖鑒訓示謹

奏

行抵清江據報捻已西趨摺

同治五年九月十九日

奏爲

微臣

行抵清江據報捻已西趨恭摺仰祈

聖鑒事竊

臣於九月初九日攜帶關防山江甯啟行業經奏報在

案十三日過高郵赴清水潭漫口履勘水勢漸就平緩暫同在工

文武籌議興作仍須先堵西隄次築東隄現節逾霜降亟應遴派

委員分投購料籌捐剋期趕辦十五夜行次清江與漕臣吳棠晤

商大略十六日卽接直隸提臣劉銘傳飛報該軍與潘鼎新所部

在鄆北梁山接仗大勝後捻逆由郟城西竄銘鼎兩軍緊躡其後

初四日追抵曹州該逆屢次拒敵與我軍一日數戰見仗卽敗捻

殺解散極多該兩軍由考城分進一進杞縣一走睢州初八日劉

銘傳抵睢是日五鼓賊卽由睢州西南竄走援其趨向似由扶溝

一帶過賈魯河等語又據徐州鎮道稟稱捻眾有由歸德南竄頗

毫之說計豫皖交界均形喫重賴有劉銘傳潘鼎新劉秉璋楊鼎勳張樹珊各軍分道兜剿當可不虞滋蔓而徐州雖屬重鎮目下軍情較鬆臣適感冒風寒在清江舟次延醫服藥數劑擬卽力疾循運河北上察勘沿隄長牆籌商水陸主客各兵戰守責成再赴徐郡從容布置所有行抵清江捻已西趨緣由謹繕摺由驛具陳伏乞

皇太后

皇上聖鑒謹

奏

行抵徐州籌辦情形摺

同治五年十月十二日

奏爲

微臣行抵徐州籌辦布置防剿情形恭摺奏祈

聖鑒事竊臣前過清江於九月十九日專疏具陳次日卽力疾由運河北行密勘沿隄長牆興築已將就緒二十五日抵宿遷縣淮山東撫臣閻敬銘馳咨任桂賴汶沈捻股由豫回竄晝夜疾馳二十一日復猛撲運防勢甚剽悍當飭沿運水陸各軍實力嚴守臣卽倍道前進與爲聲援二十九日過邳州境內欽奉二十五日寄諭飭臣酌撥兵勇赴山東協同進剿以資厚集等因遵又檄催直隸提督劉銘傳臬司潘鼎新等迅速回援赴東兜擊並令臣弟昭慶所部分防濟甯韓莊各營憑河扼紮攔頭截堵適據潘鼎新稟稱已於二十日自豫啟行二十八日至嘉祥縣北遇賊一擊奪馬數十匹擒賊目宋全庸一名旋因肥城黃崖山土匪起事奉撫

臣聞敬銘調往進勒等語又准劉銘傳報稱二十七日行次曹州
聞賊由鉅野南竄二十九日追至鉅境之葛店卽派馬隊進抄賊
館擒賊數十奪馬數百初一日又追及於馬山口縱橫攔擊生擒
二百餘人尾賊悉棄輜重回奔被各圩寨搜殺殆盡前隊之賊排
紮不動當令劉盛藻由西路唐殿魁由中路該提督同黃桂蘭等
由北路我軍前進一步該逆卽退一步追十餘里田履安丁汝昌
二營衝入賊陣各營趕上猛進賊眾紛紛潰散張景春等馬隊由
後抄擊該逆自相踐踏死者無數追抵金鄉縣東北又殺賊千餘
降馬賊二十三名等語臣於十月初三日行抵徐城據徐州鎮道
而稟初二日賊騎先由金鄉竄至豐縣是日大股南趨離徐百數
十里臣卽將隨帶親兵三營並李昭慶留徐四營分布城廂嚴爲
守禦惟據劉銘傳擒獲賊供任賴等逆竄東旣不得逞仍圖竄擾

淮徐窺撲運河臣在徐州尚可力扼要衝但恐該逆避兵繞竄睢
宿泗靈處處空虛已檄調南嶺鎮總兵王永勝統開字十一營進
紮皖徐交界之雙溝古州鎮總兵劉士奇統奇字七營進紮運河
西岸舊邳州捻蹤若卽東竄卽令該二軍迎頭兜剿內可屏蔽清
淮以東各州縣外可與劉銘傳李昭慶等軍前後夾擊又添調水
師分扼運河上下使無旁逸之患仍隨時會商曾國藩妥爲調度
以期翦除賊勢仰慰

宸廑所有抵徐布置防剿情形理合繕摺由驛五百里具陳伏乞
皇太后

皇上聖鑒謹

奏

江甯查抵教堂地基片

同治五年十月十六日

再江甯查還教堂臣前將允於城內給地並擬暫給寓所緣由緘
達總理衙門照會法國公使冀可少安無躁乃續准總理衙門密
咨鈔示六月間法公使照會拉雜諄厲令人髮指其開牽涉此案
指爲臣處遲延仍欲索教堂原地實則教士雷邁駿在江甯時自
愧翻悔難於措詞遂回上海愆恩公使興波已可慨見臣查法國
之志不在通商而在傳教彼亦知所到之處民情盤柲未能躊躇
滿志因而致憾於疆臣橫加傾陷相脅偪總理衙門被其撓演
揆時度勢或慮外閒辦理過當爲之極力調停固已煞費苦心惟
彼族恫疑虛喝是其慣技得隴望蜀亦其常情臣與交涉最久如
白齊文戈登前事風浪極大究其曲不在我以理相持以誠相威
終可消弭無形至尋常通商傳教於恪守條約之中每有相機通

融之處似不至以微嫌細故遽成決裂亦不得因其恐嚇逼迫遂無限制且卽明知辨爭無益而入手之初彼氣過盛而欲太奢幾莫測其所底止況輿情不順公論沸然勢亦未可以勉強則不能不辨爭不能不緩宕以折其氣而逆制其無厭之心此又辦理洋務不得已之實情也臣渥受

厚恩濫膺重任於

國體大局兩當兼顧此案法公使先斷以三月爲期未嘗不可辦結然任其指索誠恐後難爲繼民心不服而該教士之狡譎變詐倏去倏來臣疊准總理衙門咨催知法使雖力持異議該教士固陰俟轉圜因密飭上海關道應寶時及營教練洋礮法國兵丁呂嘉招之使來復於赴徐啟行時而囑江甯府涂宗瀛等俟其到省仍照前議妥辦未便移豐備倉屋以徇其請現幸仍以小桃源

前地爲抵給堂基之所立據完案既可稍挫其矯強之意亦尙不
至拂乎輿情合再將前後擬辦情形附片密陳伏乞

聖鑒謹

奏

定購來福鎗一千桿解京片

同治五年十月十六日

再臣前准總理衙門函稱以奉省擬練洋鎗隊屬詢上海現存洋鎗能否湊足千數將來京中亦應豫爲存儲須內有螺旋者洋人名來福鎗多爲購辦等因當因此項鎗件外洋頗爲貴重上海並無存餘臣處勘核各軍需用洋鎗請添請換者紛至沓來均係先時定購卽飭蘇松太道應寶時會同采辦委員知府劉瑞芬沈保靖等向洋商地亞士定購來福鎗一千桿限五箇月由輪船運滬茲地亞士於九月二十日運到英國恩費來福鎗一千桿驗明鎗質精堅準頭極遠實爲軍中利器每鎗加皮條一根火門礮臺釘一箇每五桿加開鎗起子一箇每二十桿加鑄彈鉗子一箇計共裝五十四箱由道驗收轉詳前來臣查此鎗係京營待用要件轉瞬北洋東阻恐無輪船搭解已飭據蘇松太道應寶時將前項來

福鎗一千桿並隨鎗器具搭裝輪船派委江蘇補用知府樊毓桂
管解於十月初十日開行運赴天津交三口通商大臣崇厚轉解
赴京以備撥用除咨明總理衙門及三口通商大臣查照並飭將
價值運腳由江海關正稅內提給外謹附片陳明伏乞

聖鑒謹
奏

謝署欽差大臣遞陳大略摺

同治五年十月二十七日

奏爲欽奉

諭旨恭謝

天恩並遞陳大略情形專摺馳陳仰祈

聖鑒事竊臣承准軍機大臣字寄十月二十日奉

上諭曾國藩著再賞假一箇月在營調理欽差大臣關防著李鴻

章暫行署理必須迅將東股辦竣方可騰出兵力專意西路卽著

通籌全局妥爲辦理應否移紮豫境適中之地並著酌量奏聞等

因欽此仰蒙

聖慈簡畀

訓示周詳欽感之餘倍增惶悚伏念臣一介庸儒毫無知識前在

蘇省薄立寸功皆由諸帥協力將士苦戰而成臣並無指揮謀略

猥蒙

厚賞濫膺重任夙夜懷慙前奉

旨飭令進駐徐州本係總督管轄之地疆吏應辦之防清淮以東
宿蒙以南如兵力能及臣皆責無旁貸固不敢稍有推諉茲復奉
命接署

欽差大臣則凡髮捻所到之區眾人束手之際皆將責望於微臣
以臣智術短淺才力薄弱實難勝此艱鉅非敢沽謙抑之虛名拘
辭讓之末節揆時揣分戰慄驚怖誠有不能自己於衷者惟恭釋
聖諭因曾國藩積勞致疾重煩

廩念令臣暫行護理爲一時權宜之計若再三堅辭往返耽延既
無以仰體

宵旰之憂勢且令曾國藩病軀候代情誼亦覺歉然展轉焦思惟

仍仰懇

聖明從容籌議另簡知兵大員督辦勦擒軍務或俟會國藩調理就瘡仍舊辦理俾臣稍安愚拙獲免大戾感戴

高厚曷有既極但就目前局勢有必須豫爲籌度者有不敢豫爲限制者謹爲

聖主一一陳之上年九月奉

旨令臣帶兵馳赴河洛臣卽恐一離本任則糧餉軍火均無所出當將可慮三大端據實詳細覆陳在案會國藩本年八月二十三

日附片奏稱將帥帶兵勦賊非督撫手有理財之權者軍餉必不應手係閱歷真切之語年餘以來會國藩在前督師臣在後籌餉患難與其休戚相關雖士馬未盡飽騰而臣之心力實已交瘁怨謗亦所不辭自臣來徐甫踰一月後路糧餉轉運相隔漸遠每恐

呼應不靈若再逐賊出境遠駐豫省軍務大局未必遂能有濟而各軍餉需本任公事必多貽誤卽蒙

派員接署督篆各有責任各有作爲何能與前敵痛癢相連始終如一若強爭則徒失和衷若隱忍則必分畛域軍需稍有掣肘斯功效全無潰敗立見臣去年摺內固已言之詳且盡矣且臣自問本心於一切榮利素知恬澹若從此脫卸地方事件專意辦賊事機可赴神智不紛猶可勉力報效若因餉缺而潰亦非

朝廷所以用臣督師望臣成功之意臣從軍十數年稔知軍情利鈍之由其樞紐不在賊之難辦而在糧餉軍火之難接濟臣國藩老病侵尋自萌退志臣每諄切懇勸臣若不耐軍事之勞頓卽請回任籌餉坐鎮要區彼總以精力衰憊相謝然亦以勦捻全軍專恃兩江之餉若經理不得其人全局或有震憾與臣再四密商迄

無嘉謨可以入

告是不得不仰賴

朝廷之善爲區處矣今

諭旨並未令人接辦江督與通商要件而詢及應否移紮豫境
若至豫省邊界離江甯千餘里離蘇滬千數百里軍儲之調發屬
吏之稟承文牘往還動踰月未有不遲誤者後路根本重地皆
新復之區又多通商口岸設有蠢動更難兼顧臣反覆推究事理
務求一是綱領全在得人

皇上若仍令臣兵餉兼辦須以駐紮徐州而止應仍如曾國藩前
奏東路稍鬆當回金陵或駐清江力籌餉運乃足以固軍心而維
大局揜逆在東則督飭各軍就近兜剿揜若趨豫則體察諸軍之
勞逸東路之防務更番酌調跟追前往與鮑超曾國荃等軍會合

夾擊劉銘傳等忠勇奮發臨敵應變均尚可靠臣隨事商籌調度似不致遽有失機若

皇上專責臣以討賊在本境可兼管地方駐別省卽不能兼管地方如不兼管地方軍需當責之何人缺乏當如何處置非一二空談能有實濟此必須豫爲籌度者也至捻逆久成流寇臣軍打仗雖尙得力而馬隊太少不及賊馬之多且悍曾國藩固屢言之臣到徐後審察軍情可以勝賊而尙不足以滅賊蓋賊敗後抱隊急走日百餘里我軍步隊至速日七十八里賊隨地擄糧我軍須齎糧而行現各軍略置車駝齎糧不過旬日旬日之後就地采辦而賊過處人煙荒涼城鄉窮苦往往停留三四日購不出一日之食且餉銀遠道解送亦不應于軍士忍飢趕路催催太緊恐生潰變我停一日賊去已數百里此勦捻追賊之苦前親王僧格林沁所

統馬隊尙多而仍屢蹙不振者職是之由曾國藩接手後有鑒於此故始爲設立四鎮旋議扼守運河沙河使地勢收窄賊勢較蹙較易兜剿目下運防水深隄密尙可扼住冬春淺涸尤須加意其門魯河沙河地段太長人力難齊終辦不成爲今之計自應用謀設開徐圖制賊或蹙之於山深水複之處棄地以誘其入然後各省之軍合力三四面圍困之或陰招其飢疲蹙脅之眾使其內亂殘殺否則投降免死給資遣回以解散其窮蹙致死之心而披離其黨羽或另有設守致困之法容臣與湘淮各將帥及各省督撫相勢妥籌但能同心協力冀有殲賊之時軍事隨時隨地變幻無常此不敢豫爲限制者也至任賴等逆東竄之股蓄意撲運河不勦卽下竄清淮經劉銘傳潘鼎新張樹珊各軍分路兜擊月餘幾於無日不戰劉銘傳追逼尤緊奔馳尤苦據報該逆已於二十三

日由鉅野西北竄去似向鄆城一帶劉銘傳等亦跟蹤而進趁地
勢以圖夾擊惟前有黃河水套之阻西南出曹考地勢散漫無可
阻扼恐仍由此入豫或回永陽均未可知惟曾國藩來咨已派劉
秉璋周盛波兩軍東來如能早到當飭會合兜剿以厚兵力而期
殲殲所有欽奉

諭旨恭謝

天恩並瀝陳大略情形謹繕摺由驛六百里具

奏伏乞

皇太后

皇上聖鑒訓示謹

奏

謝授欽差大臣瀝陳下情摺

同治五年十一月十三日

奏爲恭謝

天恩瀝陳下情仰祈

聖鑒事竊臣接准兵部火票遞到同治五年十一月初一日內閣奉

上諭曾國藩著回兩江總督本任暫緩來京陛見江蘇巡撫一等肅毅伯李鴻章著授爲欽差大臣專辦剿匪事宜欽此並承准軍機大臣字寄同日奉

上諭本日已明降諭旨令曾國藩回兩江總督本任授李鴻章爲欽差大臣專辦剿匪事宜該大臣膺此重任自當益加奮勉以竟全功等因欽此當卽恭設香案望

闕叩頭謝

恩又准軍機大臣字寄十一月初八日奉

上諭李鴻章俟曾國藩回任後辦餉有人卽著相度情形馳赴前敵軍營就近調度等因欽此伏念臣前奉

諭旨命臣暫署

欽差大臣當經瀝陳微臣智短才薄難勝此任仰懇

聖明從容籌議另簡知兵大員督辦軍務或俟曾國藩調理就痊仍舊辦理誠以督臣曾國藩老成重望自受

命鞠揔以來其於地勢賊情分防合擊無在不焦勞籌畫特揔匪剽疾流竄迥非粵逆之比官軍往來追躡力有所窮是以奏功未能迅速微臣自揣豈有奇謀勝算可以過之乃荷

聖恩簡任加以策勵欲再辭則跡涉畏難欲前去則後無付託日夜輾轉悚惶萬分仰蒙

皇上洞鑒兩江所出餉需實關勦擒全軍命脈

特命曾國藩回任籌辦俾臣後路無掣肘之虞

聖慈曲逮俯察艱難無微不至臣等應如何感奮復何敢稍有推諉致誤事機謹當恪遵

諭旨俟曾國藩回任後料理交卸馳赴前敵惟臣熟知曾國藩積勞久病時形衰憊其前奏不能見客及畏閣公牘等語皆係實情屢接來函深以地方公務煩重精力不支必欲堅辭回任臣雖專函商懇但既疊請開缺在先亦自恐貽誤於後其素性耿介量而後入固久在

聖明鑒照之中捻股現盡入豫曾國藩適在西路計鮑超劉松山所部湘軍已由曾國藩檄往陝汝一帶其餘各大枝皆臣淮軍舊部臣即未受

欽差關防本可辦商調度臣暫不赴豫亦尙無妨設臣與曾國藩
皆離本任根本重地孰與維持於大局確有關礙感激之餘不無
過慮臣惟有隨時勉循職守殫竭庸庸以報

鴻慈於萬一所有

微臣

感悚籌慮愚忱理合繕摺馳奏伏乞

皇太后

皇上聖鑒訓示謹

奏

接受關防後調度情形摺

同治五年十二月初一日

奏爲接受關防後籌商調度大略情形恭摺馳陳仰祈

聖鑒事竊臣欽奉

恩命簡授

欽差大臣當經具摺恭謝

天恩嗣准兩江督臣曾國藩派江蘇候補道林桐芳衡州協副將

胡正盛齎送關防於十一月二十三日馳抵徐州臣卽於是日未

刻恭設香案望

闕叩頭謝

恩祇領開用懔據涼州鎮總兵周盛波等稟報任賴捻股自羅山

擊敗十四五等日經皖軍在固始扼剿該逆折向西南由商城竄

光山繞山而逸周盛波督軍由光州四十里鋪越山追之十六日

至白雀園該逆狂竄已過界嶺向湖北麻城竄去周盛波因行糧
缺乏俟派弁催提餉項到營卽入鄂追剿湖北撫臣曾國荃現駐
德安之武勝關重兵均在西路自必派隊迎擊安徽撫臣英翰來
函已派總兵張得勝等軍分紮六安之流波礮霍山之漫水河黑
石渡等處六霍門戶稍有防備亦當不令擱入臣與曾國藩咨函
籌商以此股捻逆勢已窮蹙湖北黃州各屬毗連皖西潛太英宿
一帶皆山多田多之處有險可扼賊騎不易施展若我軍分路併
進會合鄂師設法兜截或趁地利以圖聚殲現已派直隸提督劉
銘傳江蘇臬司劉秉璋自周家口拔隊進固始商城與周盛波張
樹珊分道入鄂由東北兜剿兼可屏蔽皖省鄂軍自隨州德安而
下由西南進戰兼可自顧腹地惟慮鄂皖之交耳寨最少積糧較
多賊匪到處可以掠食但能蹙之以兵力而不能困之以飢餓又

鄂豫交界山徑紛歧此賊彼竄尤在意中將來賊之出路不經隨
棗向南陽則山光難回汝信是豫省南路仍須扼紮重兵以備回
竄夾擊之用現飭全軍營務處李昭慶統率南嶺鎮總兵王永勝
開字馬步十一營徐州鎮總兵董鳳高馬步七營暨所部親兵由
陳州周口直進汝甯信陽擇要屯駐屆時若賊久踞鄂中李昭慶
到信陽後仍酌量分隊入山協剿若賊由鄂出竄相機整備迎擊
鮑超如卽赴秦南陽一路似宜令豫軍宋慶等預爲扼堵以昭周
密正在繕摺聞欽奉十一月二十七日

寄諭淮河北岸應仿照黃運兩河辦法一律嚴守等因臣查目下
冬令水涸逆眾雖過淮南淮河自桐柏發源甚微由信陽下至固
始數百里處處寔可渡似難節節置守且由隨棗出唐邨卽繞
淮河而往腹裏卽扼淮亦不能堵其回竄也臣軍有進剿之兵更

無分防數省之兵臣現駐徐州控制北路千餘里江境內僅留總
兵劉士奇七營東境內僅留臬司潘鼎新十一營地曠兵單空虛
已甚如賊北竄聊張虛聲以爲策應其餘零營分防運河者斷難
擅動就目前大局而論臣督篆未卸政務極煩固不可遽離徐州
會國藩力辭回任又駐周口距鄂豫較近相機調度必無貽誤臣
仍隨時悉心會商並籌催後路餉糈轉運以利師行諄諭諸將戮
力戰守以赴機會冀得早殲醜類仰慰

聖廑所有籌商調度大略情形謹繕摺由驛馳陳伏乞

皇太后

皇上聖鑒訓示謹

奏

據報各路賊情飭催各軍入鄂會剿摺

同治五年十二月十八日

奏為據報各路賊情並飭催各軍入鄂會剿恭摺仰祈

聖鑒事竊臣等奉十二月初一初二初四初六初九十二十三等

日

寄諭飭催鮑超劉銘傳張樹珊周盛波等軍分道入鄂會剿臣查鮑超一軍已於初六日由南陽拔隊赴新野樊城劉銘傳劉秉璋兩軍於初四初六等日抵信陽初八九日分起拔往棗陽此三軍者均已入鄂之北境分路前進正得迎頭攔擊之勢張樹珊一軍於初二日由麻城馳赴黃安之河口與周盛波會合初六日進應山之廣水驛周盛波一軍在黃安候提餉銀初五日進應山之馬口嶺此二軍者均已入鄂之東北境合力進取又得從旁兜剿之勢據劉銘傳張樹珊等稟報皆接湖北撫臣曾國荃來函商令劉

銘傳劉秉璋會於棗陽關頭進偕張樹珊周盛波由應山折赴應城與郭松林等會剿十二月初一日郭松林等軍在安陸之楊家峯遇賊大戰獲勝初五六等日捻逆仍聚鍾祥之曰口一帶賊眾以數萬計縣互頗遠又據探稱該逆於襄河淤淺處竄越前股擾及荆門之石牌驛後股尙踞安陸境內未知確否揣度逆情初欲從安陸遁竄隨東回豫現有鮑超劉銘傳等大枝勁旅由西北壓下則同竄無路必又退屯襄河左右仍窺腹地曾國荃是以函飭張樹珊等由德安應城協同兜剿兼顧後面曾國荃於兵事臣復飛飭諸將就近秉承指示相機妥辦必不貽誤事機惟有可慮者兩端各軍在襄河東岸兵勢四集蹙賊一隅適屆冬令水涸難保不倖急避兵偷渡河西則荆襄完善不免蹂躪鮑超由襄樊直下正可搗其北面鄂省兵力或能遮其西面此可慮者一劉銘傳

劉秉璋張樹珊周盛波皆淮軍也糧道尙在金陵轉運支應亦設在安徽之正陽關今深入鄂境相隔千數百里餉運艱遠人地生疏有匱乏難繼之勢據各軍稟報入鄂後日行六七十里山嶺重疊較東豫百里爲尤難勇夫足裂騾馬蹶蹶者不一而足其飢困形狀可想賊在襄河東岸尙可勉奮馳驅若至襄河以西恐難強令遠去此可慮者二欽奉

寄諭鄂省地勢既非平曠馬力不能施展若各軍四面夾擊齊心併力必可痛挫其鋒以後勢如破竹易於剿辦等因仰蒙

聖明指授機宜曲盡事理曷勝欽服目下軍勢旣集網羅已張鄂省西南有漢江之阻較東豫地形平曠者有閒曾國荃久擬誘賊入險三面兜剿以期聚殲無如本省兵力不厚圩寨過少賊得飽掠亂竄然憚於郭松林等之追兵猛進雖陷數城未敢屯踞少停

喘息鄂軍實甚出力此次鮑超劉銘傳抵襄後該逆如尚未出鄂境冀就地圍剿痛挫其鋒臣昨緘商曾國荃謂勿以賊速出境爲望而以設法殲除爲謀曾國荃與諸將均同此意但賊極飄忽未知能辦到否嗣後該逆卽在鄂中久屯旁逸似無礙於鄂省大局而有益於滅賊大計也惟鄂邊山境歧出此擊彼竄恐仍乘閒回豫臣前咨商曾國藩派令李昭慶統率王永勝董鳳高等軍馳赴汝甯信陽擇要屯紮以備鄂賊回竄時迎頭截擊李昭慶現已於十一日由周口拔隊赴汝酌量布置又據統領老湘營總兵劉松山自洛陽稟稱探聞張總愚捻股於初四晚由臨潼縣屬之交口雨金鎮渡過渭北已於關山鎮西豫讓橋一帶屯踞等語先在劉蓉飛咨張捻回竄渭華將圖偷渡同朝是晉西河防與秦中腹地均甚喫緊該逆既經渡渭一時似不能回豫不致與鄂中任賴

各逆句合聞山西泉司陳湜水陸布守煩嚴又有曾國藩所派劉
松山張錫燦等營分屯洛陝與陳湜就近策應雖慮嚴冬河凍成
橋礮船難以得力但宜分軍沿河密紮先保晉省完善之區俟鮑
超殄滅東股自當遵

旨折赴陝中徐圖掃蕩所有近日各路賊情並飭催各軍入鄂會
剿緣由理合專摺由驛五百里馳陳伏乞

皇太后

皇上聖鑒訓示謹

奏

李文忠公奏稿卷十